

蔣致遠主編
中國民俗叢書

中國方言謠詠全集

宗青圖書公司印行

（增定）雅俗稽言

雅俗稽言叙

余慕華容張公叔行久矣東吳
西楚風馬不接無自識公余幸
領寸符承乏沙羨會公來司教
鐸得從公遊始酬夙昔相慕之

顧公卓朗通博於天下事靡所
不徹於古今籍靡所不窺與之
抵掌談論則津々有旨溢々不
竭使聽者快心傾耳蓋不能測
公之高深也一日出一編示余

曰某不佞平生寡所好尚惟嗜
讀書然某經生也日屈首帖括
烏能盡窺中壘二酉之藏第帖
畢之暇輒披羣籍家庋所乏即
假之友人自六經史傳諸子百

家天官地志石室汲冢稗官方
術之書及近世文集野記方言
里語之屬無一弗寓目焉然恐
博而寡要久而易忘有會於心
隨筆之緒有見必錄有疑必參

大者自兩儀七曜陰易時序仙
釋鬼神以至山川風土小者自
藝文雜技以至居處服玩飛潛
動植之類無弗考證而該載焉
月鏐者三十餘年始成是帙蓋

雅俗並收今古兼撫題曰雅俗
稽言將梓之以取裁當世請為
我叙諸簡端余受而讀之數月
廼盡則知公之功力深識見超
而用心良苦哉或單辭而決千

古之疑或數語而槩全文之美
語其鉅則鵬運天池語其細則
鎮巢蚊睫分門別類詳畧各宜
真一家之言不朽之業也昔蔡
中郎得王仲任論衡秘誦之覺

談更玄遠余雅好書而鈍根難
破兼以甫釋功令即泐沒簿書
何得快意於中壘二酉乎今得
叔行授此編真所謂遇異人見
異書矣何必中壘二酉直紀此

帳中談與人談當得公牙後慧
矣

晉

天啓二年壬戌夏日

荆溪友人吳炳可先父題

身化集序



雜俗精言引

邑人孫穀子齒父樞

夫古之學者如日之易今之學
者如秉燭之光笙簧五典匪不
物覓珠玉三墳如求罔象誠世

代之相縣慨牛毛而麟角有自
來矣夫岱宗旣望太師陳詩以
觀民風迺軒四巡使者采奏而
藏秘室盤盂刀劍咸具規銘男
女贈誰悉被管絃理亡微而不

契言雖俚而可稽迨夫羣言從
俗錯綜樊孫九流六藝之津涉
指歸爾雅絕代九服之殊語洽
見方言括雅俗而靡遺楚詩書
之鈴鍵於是樊光江瑾代有書

淫沈約盧辨人擅學海漢唐以
降浮五十家雅則婆娑道德之
林俗亦馳騁術藝之圃可謂繁
富積若丘山矣嗟乎經義旣殫
詁簡爲病學者壯心遠氣半雜

揉以逢迎反胃夢腸盡委頓於
帖括非不繁文綺合緝旨星稠
總之眉廣髻高朝非夕是要無
當於食跖鮮不譌夫魯與胡人
見布而疑賈越人見罽而駭毛